



Broj: 01-2-3675/14  
Sarajevo, 16.10.2014. godine

**Predmet:** Informacija o oduzimanju dozvole za obavljanje poslova Mikrokreditnoj fondaciji „PRIZMA“ Sarajevo

***Mikrokreditnoj fondaciji „PRIZMA“ Sarajevo oduzeta dozvola za obavljanje poslova davanja mikrokredita***

U skladu sa odredbama Zakona o mikrokreditnim organizacijama i Odluke o uslovima i postupku izdavanja i oduzimanja dozvole za rad i drugih saglasnosti mikrokreditnim organizacijama Rješenjem Agencije za bankarstvo Federacije BiH broj: 07-3573/14 od 09.10.2014. godine, Mikrokreditnoj fondaciji „PRIZMA“ Sarajevo oduzima se dozvola za obavljanje poslova davanja mikrokredita.

Oduzimanju dozvole prethodile su aktivnosti Agencije koje su u dužem periodu bile usmjerene na to da MKF „Prizma“ uskladi svoje poslovanje sa odredbama Zakona o MKO, prvenstveno u dijelu koji se odnosi na uspostavljanje normalnog funkcionisanja i servisiranja svojih obaveza. Kontrolom poslovanja i analizama kvartalnih i posebnih izvještaja MKF „Prizme“, utvrđene su brojne nepravilnosti i nezakovitosti u radu MKF „Prizma“, odnosno utvrđeno je da MKF „Prizma“ značajno krši propisana ograničenja i uslove poslovanja iz člana 15. i 16. Odluke o ostalim opštim uslovima poslovanja mikrokreditne organizacije. Osim toga, Agencija je svojim aktima konstatovala i upozoravala MKF „Prizmu“ da svojim poslovanjem evidentno ugrožava svoju imovinu i donirana sredstva, te da je potrebno uskladiti svoje poslovanje sa odredbama Zakona da bi iste zaštitila. Također, Agencija je utvrdila da MKF „Prizma“ ima 40-ak blokiranih transakcijskih računa.

Kako je MKF „Prizma“ i pored upozorenja nastavila sa lošim poslovanjem, nije poduzela nužne korake u saniranju iskazanih loših rezultata i u zaštiti doniranih sredstava, kako nije u mogućnosti servisirati preuzete kreditne obaveze, radi čega su joj blokirani svi transakcijski računi, navedeno ukazuje da su se stekli uslovi za oduzimanje dozvole za obavljanje poslova davanja mikrokredita MKF „Prizmi“, u skladu sa članom 22. Tačka 8. Zakona o mikrokreditnim organizacijama, a sve u cilju zaštite imovine MKF „Prizma“, interesa korisnika finansijskih usluga i očuvanja stabilnosti ukupnog finansijskog sistema F BiH.

URED FBA ZA INFORMISANJE